

[ԵՐԵՎԱՆԻ ՊԵՏԱԿԱՆ
ՎԱՄԱԼՍԱՐԱՆ]

Անուանությունը հին եգիպտոսում

Եգիպտագիտության
հայկական կենտրոն

Երեւան 2015



ՀՏԴ- 93/94(32):392.5
ԳՄԴ- 63.3(0)31+63.5
Ա 537

Հավաքեց, թարգմանեց եւ կազմեց՝
Աշխեն Զախարյան

Խմբագրեց եւ սրբագրեց՝
Ռուզան Շահվերդյան,
Արմինե Առաքելյան

Ա 537 Ամուսնությունը հին Եգիպտոսում/ Հավաքեց, թարգմանեց եւ
կազմեց՝ Աշխեն Զախարյան. -Եր., ԵՊՀ հրատ., 2015.- 68 էջ:

Գիրքը ներկայացնում է ամուսնությունը հին Եգիպտոսում,
ամուսինների իրավունքները, ծննդաբերությունը,
ղիվանագիտական ամուսնությունները, մենամուսնությունն
ու բազմամուսնությունը, ինչպես նաեւ արյունակցական
ամուսնությունները:

ՀՏԴ- 93/94(32):392.5
ԳՄԴ- 63.3(0)31+63.5

ISBN 978-5-8084-1959-9

© ԵՊՀ հրատ., 2015

© Կազմողի համար, 2015



Չափաը՝ 60x84/16: Տպ. մամուլը՝ 4.25
Տպաքանակը՝ 200

ԵՊՀ հրատարակչություն
ք. Երևան, 0025, Ալեք Մանուկյան 1

Միջերկրական ծով

- Ալեքսանդրիա

Կահիրե

ՍԻՆԱԻ

ԵԳԻՊՏՈՍ

ԱՆՈՒՄ ՓԵՆ

Կարմիր ծով

ԲՈՎԱՆԴԱԿՈՒԹՅՈՒՆ

Ժամանակագրություն	6
Ծանոթություն	10
Ամուսնության տարիք.....	12
Ամուսնական իրավունքներ եւ պարտականություններ	14
Հղիություն եւ ծննդաբերություն	24
Միջպետական՝ դիվանագիտական ամուսնություններ	30
Արյունակցական ամուսնություններ եւ հայտնի փարավոններ.....	38
Ընտանիքի, պտղաբերության ու ծննդաբերության հետ կապված աստվածներ եւ աստվածուհիներ	58
Գրականության ցանկ	68

ԺԱՄԱՆԱԿԱԿՐՈՒԹՅՈՒՆ

Նախադիմաստիական – (4500-3150)

Զրո դիմաստիա – (3150-3030)

Վաղ դիմաստիական – (3030-2650)

Հին թագավորություն – (2650-2040)

3-րդ դիմաստիա – 2650-2575

4-րդ դիմաստիա – 2575-2465

5-րդ դիմաստիա – 2465-2323

6-րդ դիմաստիա – 2323-2152

8-րդ դիմաստիա – 2150-2040

1-ն միջանկյալ ժամանակաշրջան

9/10-րդ դիմաստիա – 2134-2040

Միջին թագավորություն - (2010-1640)

11-րդ դիմաստիա – 2010-1991

12-րդ դիմաստիա – 1991-1783

13-րդ դիմաստիա – 1783-1640

2-րդ միջանկյալ ժամանակաշրջան (Հիքսոսներ) (1640-1550)

14-րդ դինաստիա

15-րդ դինաստիա

16-րդ դինաստիա

17-րդ դինաստիա

Նոր թագավորություն (1550-1069)

18-րդ դինաստիա

Ահմոս (Նեբփեհիբրա) – 1550-1525

Ամենհոթեփ I (Ջեսերքարա) – 1525-1504

Թութմոս I (Աախսեփերքարա) – 1504-1492

Թութմոս II (Աախսեփերենրա) – 1492-1479

Թութմոս III (Մենխսեփերրա) – 1479-1425

Հաթշեփսուփ (Մաաքքարա), Փարափոնուի – 1473-1458

Ամենհոթեփ II (Աախսեփերուրա) – 1427-1401

Թութմոս IV (Մենխսեփերուրա) – 1401-1391

Ամենհոթեփ III (Նեբմաաքրա) – 1390-1352

Ամենհոթեփ IV/Ախսեմաթեն (Նեֆերխսեփերուրա Ուաենրա) – 1352-1336

Սմենխքարա (Անխ խսեփերուրա) – 1338-1336

Թութանխամոն (Նեբխսեփերուրա) – 1336-1327

Այ (Խսեփերխսեփերուրա) – 1327-1323

Հորեմհեբ (Ջեսերխսեփերուրա) – 1323-1295

19-րդ դինաստիա

Ռամզես I (Մենփեհփիրա) – 1295-1294

Սեթի I (Մենմաափրա) – 1294-1279

Ռամզես II (Ուսերմաափրա Սեթեփենրա) – 1279-1213

Մերեմփթահ (Բաենրա Հոթեփիհերմաափ) – 1213-1203

Ամենմեսսե (Մենմիրա) – 1203-1200

Սեթի II (Ուսերխեփեթուրա Սեթեփենրա) – 1200-1194

Սիփթահ (Ախենրա Սեթեփենրա) – 1194-1188

Թաոուսեթ (Սիթրա Մերիթամեն) – 1188-1186

20-րդ դինաստիա

Սեթնախթե – 1186-1184

Ռամզես III – 1184-1153

Ռամզես IV – 1153-1147

Ռամզես V – 1147-1143

Ռամզես VI – 1143-1136

Ռամզես VII – 1136-1129

Ռամզես VIII – 1129-1126

Ռամզես IX – 1126-1108

Ռամզես X – 1108-1099

Ռամզես XI – 1099-1069

3-րդ միջանկյալ ժամանակաշրջան (1069-664)

21-րդ դիմաստիա

22-րդ դիմաստիա

23-րդ դիմաստիա

24-րդ դիմաստիա

25-րդ դիմաստիա (Զուշի փարավոնների)

26-րդ դիմաստիա

Ուշ ժամանակաշրջան (Մաիա) (664-343)

27-րդ դիմաստիա (պարսկական)

28-րդ դիմաստիա

29-րդ դիմաստիա

30-րդ դիմաստիա

Պարսկական երկրորդ ժամանակաշրջան (343-332)

Մակեդոնյան ժամանակաշրջան - 332-304

Պտղոմեյան - 304- 30

Հռոմեական - մ.թ.ա. 30 - մ.թ. 395

Բյուզանդական ժամանակաշրջան - 395-641

Իսլամական ժամանակաշրջան - 641- մինչև մեր օրեր

Ժամանակագրությունը պայմանական է: Օգտագործվել է Կալիֆորնիայի համալսարանի (Լոս Անջելես) կազմած ժամանակագրությունը:

ԾԱՆՈԹՈՒԹՅՈՒՆ

Ինչպես մյուս բոլոր մշակույթներում, այնպես էլ հին Եգիպտոսում ամուսնությունն ու ընտանիքը կարևոր տեղ են զբաղեցնում, որը հասարակական կարևորագույն ինստիտուտներից էր:

Յուրաքանչյուր ազատ մարդ՝ հարուստ թե աղքատ, իրավունք ուներ ամուսնանալու: Ամուսնությունը ո՛չ կրոնական խնդիր էր, ո՛չ էլ՝ պետական, եւ պսակադրությունը չէր իրականացվում քրմի կողմից: Ուղղակի կողմերը համաձայնության էին գալիս, եւ այն ամրագրում ամուսնական պայմանագրերում: Ամուսնությունն ավելի աշխարհիկ բնույթ ուներ, որին չէին խառնվում անգամ պետական մարմինները: Ոչ մի վկայություն չկա այն մասին, որ ամուսնություններն ուղեկցվել են որոշակի արարողություններով: Գիտնականները կարծում են, որ պայմանագրի բացակայության դեպքում ուղղակի համաձայնության են եկել սեփականության հարցում, որը հիմնված է եղել հասարակական սովորույթների եւ օրենքով հաստատված իրավունքների վրա: Նման համաձայնագրերը կոչված էին պաշտպանելու ամուսինների իրավունքներն ամուսնալուծության դեպքում:

Նախքան ամուսնական պայմանագրերի ի հայտ գալը, որոնք հստակ պատկերացում են տալիս ամուսնական կյանքի մասին, կարծիք կա, որ հիմնականում տղամարդն աշխատում էր դրսում, իսկ կինը՝ ներսում: Եւ այդ պայմանագրերից երեւում է, որ ամուսնական կյանքի ընթացքում նրանցից յուրաքանչյուրն ուներ իր իրավունքներն ու պարտականությունները:

Ամուսնությունները սովորաբար տեղի էին ունենում նույն սոցիալական կարգավիճակն ունեցող ընտանիքների միջեւ: Ազատ մարդու եւ ստրուկի միջեւ ամուսնությունն ավելի շատ դիտվում էր որպէս ամուսնություն հարճի հետ եւ իրավական պաշտպանվածություն չէր ենթադրում: Այդպիսի կապից ծնված երեխան նույնպէս ստրուկ էր համարվում: Որպեսզի ստրուկ կինն օրինական ամուսնական պայմանագիր կնքեր, նա առաջին հերթին պիտի գներ իր ազատությունը կամ որդեգրվեր ազատի կողմից: Տղամարդն իրավունք ուներ որդեգել ստրուկից ունեցած իր երեխաներին:

ԱՄՈՒՍՆԱԴԻՅԱԼ ՏԱՐԻՔ

Ամուսնական պայմանագրերում միշտ չէ, որ նշվում է ամուսնացողների տարիքը: Հայտնի չէ՝ ամուսնությունից առաջ արդյո՞ք նրանք նշանվել են, թե՞ ոչ: Կարծիք կա, որ համեմատաբար վաղ ժամանակներում աղջիկների ամուսնության տարիքը եղել է 12-13 տարեկանը, իսկ տղաներինը՝ 14-ը: Ենթադրվում է, որ սեռական հասունությունը եղել է ամուսնության նախապայմաններից մեկը:

Պտղոմեյան շրջանի մի փաստաթղթում հարս ու փեսայի ամուսնության ամենացածր տարիքը, որ բերվում է, 15-ն է: Պտղոմեյան ժամանակաշրջանով թվագրվող Անի-Շենոնքի վարքականոնում տղաներին խորհուրդ է տրվում ամուսնանալ 20 տարեկանում, որպեսզի, քանի դեռ երիտասարդ են, կարողանան երեխաներ ունենալ: Ըստ հին եգիպտացիների՝ ամուսնության ամենաճիշտ տարիքն այն է, երբ մարդը ֆիզիկապես պատրաստ է դրան եւ արդեն հասել է որոշակի հաջողությունների: Փրահ-Հոթեփը (Հին Թագավորության 5-րդ դինաստիայի վեզիր, առաջին նախարար) իր՝ «Փրահ-Հոթեփի խրատները» ստեղծագործության մեջ, որը մեծ թվով գիտնականներ համարում են պատմության մեջ առաջին գիրքը, գրում է. «Եթե դու արդեն անում ես հանել, սկսիր ընտանիք ստեղծել»: Օրինակ, Դեյր էլ-Մեդինայի գրագիր Քենհերխեպեչեֆը 54 տարեկանում ամուսնացել է 12 տարեկան Նանախթի հետ:

Մութոնջմեթ Թագուհու մահվան տարիքը պարզելուց հետո, ենթադրվում է, որ գեներալ Հորեմհեբը (մկ. 1) 50 տարեկանում ամուսնացել է 25-30 տարեկան Մութոնջմեթի հետ: Սա շահի հետապնդող ամուսնության դասական օրինակ է, որը հնարավորություն տվեց Հորեմհեբին զբաղեցնելու եգիպտական գահը: Նա 18-րդ դինաստիայի վերջին փարավոնն էր:

Պապիրուսագետ Փ. Փեսքմանը հռոմեական շրջանից մի քանի փաստաթղթեր է վկայակոչում, որոնցում աղջիկների ամուսնության տարիքը 8, 9 կամ 10-ն է: Աղջիկների պարագայում այլ էր, կարիք չկար սպասելու մինչև որոշակի սոցիալական դիրքի հասնելը:



Նկ. 1. Հորենի փարավոն

ԱՄՈՒՍՆԱԿԱՆ ԻՐԱՎՈՒՆՔՆԵՐ ԵՎ ՊԱՐՏԱԿԱՆՈՒԹՅՈՒՆՆԵՐ

Ամուսինն ուներ միայն մեկ օրինական կին, որն էլ նրա ժառանգների մայրն էր:

Կին որոշ գիտնականներ գտնում են, որ հիմնականում ընդունված էր մենամուսնությունը, բայց չէր արգելվում նաեւ բազմամուսնությունը: Այլ գիտնականներ համարում են, որ անգամ հասարակ մարդիկ կարող էին մեկից ավելի կին ունենալ: Ոմանք էլ կարծում են, որ բազմամուսնությունը՝ պոլիգամիան, շատ տարածված է եղել: Եթե ամուսինը շատ հարուստ էր, կարող էր իրեն թույլ տալ նաեւ հարձ ունենալ, բայց գերապատվությունը միշտ տրվում էր հիմնական կնոջը, եւ հարձերը որեւէ իրավունք չունեին: Կարելի է ասել, որ ամուսնու պարտականություններն իր կնոջ նկատմամբ գտնվում էին օրենքի եւ բարոյականության դաշտում: Օրինակ, Պրահ-Հոթեփի խրատներում ասվում է. «Երբ դու հարստանաս, առաջադիմես, ստեղծես քո ընտանիքը եւ քո կնոջը շատ սիրես, կերակրես, հագցնես, անուշահոտ յուղով մերսես նրա մարմինը, շահես, ուրախացնես նրա սիրտը այնքան ժամանակ, քանի դեռ ողջ ես, նա կլինի բերրի հող իր տիրոջ համար»:

Ամուսնության համար անհրաժեշտ էր երկու կողմերի համաձայնությունը: Նոր թագավորության ժամանակաշրջանում ամուսնության մասին որոշումը կայացվում էր տղայի եւ աղջկա հոր միջեւ՝ առանց աղջկան հարցնելու: Եթե հայրը մահացած էր, իր համաձայնությունը կարող էր տալ աղջկա մայրը կամ էլ՝ քեռին: Իսկ 26-րդ դիմաստիայի ժամանակաշրջանին վերաբերող ամուսնական պայմանագրերը պարունակում են ոչ միայն այնպիսի կետեր, ինչպիսիք են՝ «Ես քեզ դարձրեցի իմ կինը», այլ նաեւ՝ «Դու ինձ դարձրեցիր քո կինը»: Այսինքն, հոր համաձայնությունն արդեն անհրաժեշտ չէր: Կարելի է ասել, որ եթե նախկինում համաձայնության էին գալիս հարսի հայրը եւ ապագա ամուսինը, ապա ամենաուշը 26-րդ դիմաստիայից սկսած, կարելու էր միայն ամուսնացողների համաձայնությունը:



Նկ. 2. Նիբարան (խացահատիկի ամբարների վերահսկիչ) եւ նրա ընտանիքը, 5-րդ դինաստիա

Ամուսնությունն օրինականացնելու հաջորդ քայլն այսպես սասած ընդունման (այն, ինչ կինն է տալիս ամուսնուն) եւ հանձնման (այն, ինչ ամուսինն է տալիս կնոջը) գրավոր ակտն է: Առաջին դեպքում ակտում գրանցվում է ամուսնու եւ կնոջ համաձայնությունը, որտեղ կինն ամուսնուն որոշակի գումար է տալիս նրա կինը դառնալու համար: Իսկ երկրորդ տիպի փաստաթղթերի խումբը սահմանում է ամուսնալուծության հետեւանքով առաջացած խնդիրների՝ երեխաների ժառանգության, սեփականության բաժանման կարգը:

Ամուսնալուծության ժամանակ, եթե կինը պահանջեր այն գումարը, որը տվել էր ամուսնանալիս, ամուսինը պարտավոր էր այն ետ վերադարձնել: Գումարը պահանջելուց 30 օր անց, ամուսինը պետք է գումարը վերադարձներ արդեն նախկին կնոջը: Գիտնականներից ոմանք կարծում են, որ այս տիպի գործարքներն անհրաժեշտ էին օրինական ընտանիք ստեղծելու համար: Ըստ ամենայնի, ամուսիններն իրար գումար եւ տարբեր իրեր փոխանցելով՝ զնում եւ վաճառում էին իրենք իրենց՝ այդպիսով դառնալով մեկը մյուսի սեփականատերեր: Հաուսվալթի պապիրուսում (Ընտանեկան իրավունքին վերաբերող փաստաթուղթ, մ.թ.ա. 3-րդ դար, Էդֆու) պահպանվել է մման մի պայման. «Ես կտամ քեզ (գումար) բացի նրանից (գումար, որն արդեն նշված է ցուցակում) ինչ ես քեզ տվել եմ որպես քո ամուսին /sp n s.hm.t/ ... եւ կտամ քեզ այն ամենի 1/3 (մասը), ինչ կունենանք մեր համատեղ կյանքում՝ այս օրվանից սկսած»: Ամուսինը կնոջը նաեւ նվերներ էր տալիս, սովորաբար՝ արծաթ, երբեմն էլ արծաթի հետ տալիս էր որոշ քանակությամբ հացահատիկ: Ամուսինը նվերները հանձնում էր այն ժամանակ, երբ հայրը նրան կնութան էր տալիս իր աղջկան: Որոշ գիտնականներ ենթադրում են, որ գումարը վճարվում էր հորը՝ որպես «գին կամ փոխհատուցում աղջկա հետ ամուսնանալու համար»: Ամուսինը վճարելով (sp) իրավունքներ էր ձեռք բերում կնոջ նկատմամբ եւ դառնում նրա սեփականատերը:

Ինչպես ամուսնությունը, այնպես էլ ամուսնալուծությունը ո՛չ պետական, ո՛չ կրոնական բնույթ չէին կրում՝ չնայած դատավորը կարող էր որպես վկա հանդես գալ ամուսնությունը լուծելու ժամանակ:

Եթե բանը հասնում էր ամուսնալուծության, ապա ամուսինների համատեղ կյանքն ավարտվում էր: Ամուսնական տունը սովորաբար պատկանում էր տղամարդուն, հետեւաբար ամուսնալուծության դեպքում հիմնականում կինն էր հեռանում տնից. «Դու կմնաս իմ տանն այնքան ժամանակ, քանի դեռ դու ինձ հետ ես որպես կին...»: Պապիրոսագետ Փեսքմանը նշում է, որ ամուսնալուծությունն արգելված չէր հին Եգիպտոսում եւ երկու կողմն էլ կարող էր այն նախաձեռնել: Հին եգիպտական հասարակությունում ամուսնալուծված կնոջը կամ տղամարդուն շատ բնական էին վերաբերվում: Շատ քիչ վկայություններ կան այն մասին, որ նրանք ամուսնալուծությունից հետո կրկին չեն ամուսնացել, մեծամասամբ ամուսնանում էին ու նոր ընտանիք կազմում: Ով նախաձեռնում էր ամուսնալուծությունը, նա էլ որոշակի փոխհատուցում էր տալիս «տուժած» կողմին. «Եթե ես հրաժարվեմ քեզնից որպես ամուսին, դրա պատճառը լինի այն, որ ես քեզ ասում եմ կամ ուզում եմ մեկ ուրիշին, այլ՝ ոչ քեզ, ես քեզ կտամ 2 ½ քեդեթ (արծաթ ու ոսկի կշռելու միավոր) արծաթ»: Պետք է նշել, որ ամեն դեպքում տղամարդն ավելին էր վճարում, քան կինը, եթե անգամ վերջինս էր նախաձեռնել ամուսնալուծությունը: Տղամարդը, մինչեւ նոր ամուսին գտնելը, պարտավոր էր գումարով ապահովել կնոջը, ինչպես նաեւ ալիմենտ վճարել իր երեխաների համար: Փեսքմանը փաստում է, որ տղամարդու՝ իր կնոջից բաժանվելու իրավունքն առաջին անգամ արձանագրված է Փրահ-Հոբեփի խրատներում, իսկ կնոջ իրավունքն առաջին անգամ հիշատակվում է մ.թ.ա. 500 թվականի մի փաստաթղթում: Բայց փաստ է այն, որ Եգիպտական օրենքը կնոջն անկախ մարդ էր համարում, եւ պետք է ենթադրել, որ կնոջ կողմից բաժանություն նախաձեռնելը կարող էր տեղի ունենալ նաեւ ավելի վաղ ժամանակներում: Թե ինչն էր հիմք դառնում ամուսնալուծության համար, այնքան էլ հստակ չէ, բայց դավաճանությունն ու ամլությունը երկու ամենահիմնավոր պատճառներից էին: Հետագայում, Անխ-Շեշոնքի վարքականոնում խորհուրդ էր տրվում չբաժանվել ամուսնալուծությունից: Սակայն, կարող էին ամուսնալուծության այլ պատճառներ եւս լինել: Օրինակ, եթե ամուսինը կնոջը ծեծում էր

եւ արդեն չափն անցել էր, ու կնոջ համբերության բաժակը լցվել էր, ապա նա իրավունք ուներ ամուսնուն դատի տալ եւ խնդրել բաժանել իրենց: Պապիրոսներում արձանագրված է մի դեպք, որտեղ կինը ֆիզիկական բռնությունների է ենթարկվել ամուսնու կողմից եւ դատի տվել ամուսնուն, իսկ որպես վկա հանդես է եկել նրա սկեսուրը: Սովորաբար ամուսինները համաձայնության էին գալիս այդ հարցի շուրջ: Օրինակ, ամուսինը համաձայն էր, որ «Եթե ես երբեւէ նորից Թեներ-Մոնթի դստերն անարդարացիորեն վիրավորեմ, թող մտրակի 100 հարված ստանամ եւ զրկվեմ այն ամենից, ինչ ձեռք ենք բերել համատեղ կյանքում»: Ամուսնալուծության պատճառ կարող էր լինել նաեւ հաշմանդամությունը. «Ես հրաժարվում եմ քեզնից, քանի որ քո մի աչքը կույր է», չսիրելը. «Ես քեզ կնության եմ առել ... եթե քեզնից հրաժարվեմ որպես կին, դա կնշանակի, որ ես քեզ ատում եմ, որ ես քո փոխարեն այլ կին եմ ուզում ...»:

Ստույգ հայտնի չէ, թե ամուսնալուծությունից հետո երեխաներն ու՞մ մոտ էին մնում, ո՞վ էր հոգում նրանց դաստիարակության հարցերը: Ինչեւէ, ընդունված է այն տարբերակը, որ երեխաները մնում էին մայրերի խնամակալության ներքո:

Տղամարդու ձեռքին էր աղջիկ երեխայի ապրելու իրավունքը: Հայրն էր որոշում, պե՞տք էր պահել աղջիկ երեխային, թե՛ ոչ: Անցանկալի երեխաներին ծնվելուց հետո դնում էին աղբի մեջ:

Ամուսիններն ունեին երեք տիպի սեփականություն՝

1. Ամուսնու անձնական սեփականություն՝ ստացած իր ծնողներից:
2. Կնոջ անձնական սեփականություն՝ ստացած իր ծնողներից:
3. Ամուսինների համատեղ ստեղծած սեփականություն:

Ամուսնու մահից հետո, սեփականության 1/3-ը պատկանում էր կնոջը, 2/3-ը՝ երեխաներին: Այստեղից կարելի է ենթադրել, որ ամուսինն ու կինն իրարից չէին ժառանգում, պարզապես յուրաքանչյուրը ստանում էր իր հասանելի 1/3-ը:

Պապիրոսներում կարելի է հանդիպել որդեգրման պատմություններ, որտեղ ամուսինը որդեգրում է իր կնոջը: Հաճախ, երբ ընտանիքում երեխա չէր ծնվում, ամուսինը որդեգրում էր իր կնոջը, որպեսզի ժառանգությունը նրան թողներ: Որդեգրման պապիրոսներից մեկում մամաստիպ վկայություն կա. «Նեբենֆերը՝ իմ ամուսինը, գրել է, որ ինձ՝ Նենեֆերիս դարձնում է իր երեխան եւ ժառանգում իր ողջ ունեցվածքը, քանի որ զավակներ չունեմ»: Չնայած, կարող էին կնոջը որդեգրել մաեւ երեխաների առկայության դեպքում եւ ողջ ունեցվածքը թողնել նրան: Արդյունքում՝ կինը կժառանգեր իրենց համատեղ կյանքում ստեղծածի 2/3-ը եւ օրենքով իրենը համարվող ունեցվածքի 1/3-ը: Բայց, որպեսզի ամբողջ ունեցվածքն անցներ կնոջը, անհրաժեշտ էին այդ մասին վկայող համապատասխան փաստաթուղթ եւ վկաներ:

Առանց որդեգրելու էլ ամուսինը կարող էր ունեցվածքի իր մասը թողնել կնոջը, եթե իր կամքը, վկաների ներկայությամբ, փաստաթղթով հաստատված լիներ: Նման դեպքի նկարագրություն պահպանվել է, օրինակ, Միջին թագավորությանը վերաբերող Քահուն I պապիրոսում, որը կազմվել էր ոմն Ուահի կողմից: Այստեղ ասվում է, որ ինքն իր եղբորից ժառանգած ունեցվածքը փոխանցում է իր կնոջը՝ Թեթին: Ենթադրվում է, որ նրանք երեխաներ չեն ունեցել, քանի որ տեքստում մաեւ ասվում է, որ իր կինը՝ Թեթին, այն կարող է տնօրինել ըստ իր ցանկության:

Բ. Վատերսոնը վկայում է, որ պահպանված կտակներից մեկում ամուսինը կնոջը թողել է 15 ստրուկ, որպես ընդհանուր ունեցվածքի կնոջ հասանելիքի 1/3 մաս: Մ.թ.ա. 1900 թ.-ին երկու եղբայր մույնպես կտակ են գրել (Քահուն I պապիրոս), որտեղ ավագ եղբայրը՝ Անխթենը, ոչ թե ժառանգությունը թողել է կնոջը կամ երեխաներին, այլ՝ կրտսեր եղբորը: Իսկ հինգ տարի անց, եղբայրը Անխթենից ստացած ժառանգությունը, այդ թվում մաեւ տունը, կտակել է իր կնո-

ջը: Մեկ այլ կտակում տեսնում ենք, որ հայրն իր ունեցվածքը կտակել է կնոջը եւ որդուն: Նշվում է նաեւ, որ նրանք էլ իրենց հերթին, այդ ժառանգությունը փոխանցել են դստերը, քանի որ վերջինս հանձն է առել մոր խնամակալությունը ծերության օրոք: Փաստորեն կարելի է ասել, որ միանշանակ չէր, թե ով պիտի ժառանգ լինի, կախված հանգամանքներից, կարող էին իրենց ունեցվածքը կտակել կնոջը, երեխային, եղբորը կամ այլ բարեկամների: Չնայած այս դեպքում կտակը պետք է անպայման հաստատված լիներ «թղթի» վրա, այլապես այն կբաժանվեր ըստ օրենքով նախատեսված կարգի:

Եթե ժառանգության հարցի շուրջ վեճեր էին ծագում, դիմում էին փարավոնական օրենքին, որն ասում էր. «Թող ունեցվածքը տրվի նրան, ով թաղել է»: Օրենքով ե՛ր դուտորը, ե՛ր որդին ժառանգելու իրավունք ունեին, բայց նրանք կարող էին զրկվել այդ իրավունքից, եթե չմասնակցեին ծնողների հուղարկավորությանը: Ըստ մի փաստաթղթի՝ որդին պահանջում է ամբողջ ժառանգությունը (Բուլաք X պապիրուս), որովհետեւ ինքն էր հուղարկավորել իր մորը, առանց մյուս քույր ու եղբայրների օգնության: Օրենքն ասում է. «... երեխաները պարտավոր են հուղարկավորել իրենց ծնողներին, որպեսզի ժառանգելու իրավունք ստանան»: Բուլաք X պապիրուսի թարգմանության մեջ ներկայացված է. «Առարկաների ցուցակ ... որոնք տվել է տիկին Թգեմիին՝ իր մորը. 1 դագաղ, որն արժեք 40 դերեն (հին Եգիպտոսում պղնձի, ոսկու, արծաթի կշռաչափ, որով որոշվել է նաեւ ապրանքի գինը) եւ մյուսը Հույնուֆի՝ հոր համար: Բայց արի ու տես, որ տիկին Թգեմիի երեխաները վիճարկում են այդ հարցը՝ պահանջելով նրա ժառանգությունը: Բայց նրանք չեն, որ թաղել են իրենց հորն ու մորը, եւ ունեցվածքը դեռ այդ կնոջ սեփականությունն է: Փարավոնական օրենքն ասում է. «Սեփականությունը տալ նրան, ով հուղարկավորել է»:

Հին թագավորության մի փաստաթղթում գրված է, թե ինչպես մի կին ամուսնու մահից հետո ժառանգությունը պահանջելու հարցում հաջողություն ունեցավ. «Առաջին տարին, ամառվա երկրորդ ամիսը, վերջին օրը: Այդ օրը Սիթիզենես

Իսիսը բողոքեց բանվոր Խանմիփեթի, բանվոր Խանմուսի եւ բանվոր Ամոն-Նախի դեմ՝ ասելով. «Տվեք ինձ իմ ամուսնու՝ Փանախի ունեցվածքը»: Եւ դատարանը, հաշվի առնելով բոլոր անդամների կարծիքը, ասաց. «Նա ճիշտ է»: Այդպիսով, նա ստացավ իր ամուսնու սեփականությունը»: Փաստորեն դեռ Հին թագավորության ժամանակաշրջանում կինը կարող էր եւ ժառանգել, եւ կտակել, եւ ժառանգությունից զրկել, եւ դատարան դիմել, անգամ գործը շահել: Հետաքրքիր է նաեւ իմանալ, թե հին Եգիպտոսում ինչ սեփականություն կարող էին ունենալ կինն ու տղամարդը: Սեփականություն ձեռք բերելու տարբեր ճանապարհներ կային: Օրինակ՝ սեփականությունը կարող էր նվեր լինել, կարող էին ժառանգություն ստանալ, աշխատել եւ սեփականություն կուտակել կամ էլ պարտքով վերցնել ուրիշից: Այս բոլորը վերաբերում էր եւ՛ կնոջը, եւ՛ տղամարդուն: Կինը, լինել ամուսնացած թե ամուրի, կարող էր իր ունեցվածքին վերաբերող գործարքներ կնքել: Գործարքը վավեր համարվելու համար ամուսնու միջամտության կարիքը չկար, եթե, իհարկե, խոսքը չէր վերաբերում ամուսնու սեփականությանը: Սեփականության հարցերին նվիրված փաստաթղթերում պարբերաբար հանդիպում են կանանց կողմից իրենց ունեցվածքը տնօրինելու օրինակներ՝ վաճառել, ժառանգել, վարձով տալ եւ այլն: Օրինակ, Վիլբուրի պապիրուսում նշված է 131 կին հողատերերի մասին, որոնք նույնքան հողատարածք ունեին, որքան տղամարդիկ: Կանայք տղամարդկանց մման ունեին եւ՛ շարժական եւ եւ՛ անշարժ գույք՝ տուն, հող, կենդանի, ստրուկ եւ այլն, որոնք կարող էին գնել, վաճառել, վարձով տալ, ժառանգել:

Հին Եգիպտոսում իրավական պայմանագիր ասելով հասկանում էին այն, ինչ մենք՝ այսօր: Դրանք, ինչպես այսօր, կազմվում էին երկու օրինակից, երբեմն՝ անգամ երեք օրինակից: Պայմանագրում նշվում էր թագավորի գահակալման տարին, ամիսը, այնուհետեւ՝ ապագա կնոջ ու ամուսնու, նրանց ծնողների եւ քրմի եկեղեցական աստիճանը (օրինակ, տվյալ դեպքում՝ Կարմակի Ամոնի տաճարի ավելի ցածր աստիճան ունեցող քուրմ՝ Փասթոֆորոս):

Ահա պայմանագրի մի օրինակ.

«Դու ինչ դարչրեցիր քո կինը, Կովեցիր 5/10 մաս արծաթ՝ մոտ 10 դրահմա /այսինքն՝ մոտ 2 դոլար*/ (2^{1/2} հունական արծաթ կամ ոսկի), կրկնում եմ 5/10 մաս արծաթ՝ որպես իմ օժիւր: Քեզ՝ որպես իմ ամուսին լքելու, արելու կամ մեկ ուրիշին քեզնից ավելի սիրելու դեպքում, ես քեզ կտամ 2^{1/2} մաս ոսկի (մոտ 1 դոլար): Ես կրկնում եմ. 2^{1/2} արծաթ, 5/10 արծաթի մի մասը, որն ինչ օժիւր էիր տալի: Եթե ես հեռանամ քեզնից, ես կհրաժարվեմ մեր համալրեղ ունեցվածքի 1/3-ից:

Սրացիր վերոհիշյալ տեքստի պատճենը մեկ այլ պապիրուսի վրա, որը կազմել եմ: Ես հաստատում եմ վերը գրված յուրաքանչյուր բառ՝ համապատասխան ներկա փաստաթղթի: Ես կկազմեմ այն 16 վկայի ներկայությամբ: Ես տալիս եմ այն քեզ նշված ամսաթվով, բանի որ չեմ կարող առանց քեզ հետ գրավոր կամ բանավոր բանակցելու մեկ այլ օր նշանակել» (Գրված է Փեթեհարփրեսի կողմից):



Նկ. 3. Ընտանիք Թեբեից (20-րդ դինաստիա)

Տասնվեց վկայի ստորագրություններից միայն հինգն է պահպանվել պապիրուսի հակառակ կողմում: Այս պայմանագրում նշված գումարը, հավանաբար, ամուսնական պայմանագրի մեջ արձանագրվածի մի մասն է:

Ամուսնալուծության դեպքում պայմանագիրն, այսպես ասած, հավաստագիր էր, որ, օրինակ, տվյալ կինը ամուսնալուծված է եւ արդեն կարող է կրկին ամուսնանալ: Մինչեւ մ.թ.ա. 7-րդ դարը պայմանագրերը բանավոր բնույթ էին կրում, բայց Դեմոտիկ գրերի (հին եգիպտերենի ուշ շրջանի գիրը՝ մ.թ.ա. 7-րդ դար – մ.թ. 5-րդ դար) շնորհիվ դրանք գրի առնվեցին եւ մեզ հնարավորություն տվեցին հստակ պատկերացում ունենալու հին Եգիպտոսի իրավական կյանքի մասին:

Դատական համակարգը բավականին զարգացած էր: Եւ՝ կինը, եւ՝ տղամարդը կարող էին գործ հարուցել դատարանում, հանդես գալ որպես վկա, ինչպես նաեւ՝ որպես դատապարտյալ: Պահպանվել են փաստաթղթեր այն մասին, որ կինն ինչ-որ մեկին կանգնեցնում է դատարանի առաջ այն պատճառով, որ նա իրեն չի վճարել վաճառած գույքի դիմաց:

ՀԴԻՈՒԹՅՈՒՆ ԵՎ ԾՆԱԴԱԲԵՐՈՒԹՅՈՒՆ



Նկ. 4. Ռեդ-ջեդեթ անունով առասպելական կին, որը հղի է եռյակով: Հայրը Ռա ատվածն է: Երեխաներին, որոնց նա սպասում է 5-րդ դինաստիայի առաջին երեք փարավոններն են՝ Ուսերքաֆը, Սահուրան եւ Նեֆերիրեարրան:

Պետք է ասել, որ հին Եգիպտոսում, հազարամյակներ առաջ, խորը գիտելիքներ են ունեցել հղիության, ծննդաբերության, կանացի հիվանդությունների մասին: Կանայք փորձել են պարզել՝ հղի են, թե՞ ոչ, աղջիկ են ունենալու, թե՞ տղա, ինչպե՞ս խուսափել հղիանալուց կամ ընդհատել հղիությունը: Բժշկական պապիրուսներում բազմաթիվ թեսթեր կան պտղաբերության, հղիության եւ դեռ չծնված երեխայի սեռը որոշելու մասին (հաճախ դժվար է տարբերակել պտղաբերության եւ հղիության թեսթերը):

Մեզի միջոցով հղիության թեսթ անելու գաղափարը, որը մինչեւ այսօր կիրառվում է, գալիս է հին եգիպտացիներից: Նման թեսթ պահպանվել է մ.թ.ա. 1350 թ.-ին թվագրվող Քահունի բժշկական պապիրուսում, որը գտնվում է Բեռլինի թանգարանում: Մեզի միջոցով ճշտում էին կինը հղի է թե ոչ, ինչպես նաեւ՝ երեխայի սեռը:

Օրինակ՝ առանձին ամանների մեջ լցնում էին գարի ու ցորեն, որոնց վրա կինը միգում էր ամեն օր: Եթե աճում էր գարին, տղա էր ծնվելու, եթե ցորենը՝ աղջիկ: Իսկ եթե ոչ մեկն էլ չէր աճում, ուրեմն կինը հղի չէր (պապիրուսի որոշ թարգմանություններում նշվում է, որ եթե ո՛չ ցորենը, ո՛չ գարին չեն աճում, ուրեմն կինն ամուլ է): Հին եգիպտերենում էլ է այդպես՝ գարին արական սեռի գոյական է, ցորենը՝ իգական: Կնոջ ամուլ լինել-չլինելը ստուգում էին նաեւ գլուխ սոխի միջոցով: Հետաքրքիր է, որ ձմերուկն էլ էր օգտագործվում այդ նպատակով: Դեռ վաղ ժամանակներից Եգիպտոսում ձմերուկ էր մշակվում, կորիզներից ձեթ էին պատրաստում: Ձմերուկի կորիզներն աղում էին ու խառնում տղա ծննդաբերած կնոջ կաթի հետ: Պատրաստված ըմպելիքը տալիս էին թեսթ անցնող կնոջը խմելու: Խմելուց հետո եթե հետ էր տալիս (փսխում էր), նշանակում էր՝ կողիանա, իսկ հակառակ դեպքում՝ ոչ:

Նոր թագավորությունից սկսած՝ ծննդաբերության համար հատուկ տեղ էին հատկացնում տան տանիքին կամ այգում, որը կոչվում էր ծնարան: Ծնունդն արագացնելու համար խեժ էին վառում կնոջ որովայնի մոտ, իսկ ցավերը մեղմելու համար որովայնը մերսում էին գարեջրի մեջ թրջած քրքումով:

Ծննդաբերության գործընթացը տեղի էր ունենում կքանստած դիրքով (նկ. 4): Գոյություն ունեին հատուկ անցքով արոռներ, որոնց միջով պետք է անցներ երեխան, կամ էլ օգտագործում էին 2 մեծ աղյուս, որոնք կոչվում էին «Ծննդաբերության» աղյուսներ: Կնոջ պարանոցից կախում էին գորտի պատկերով թալիսման, որը ծննդաբերության Հեքեթ աստվածուհու խորհրդանիշն էր (նկ. 5.):

Երեխայի ծնվելուց հետո կինն այստեղ մնում էր մեկ կամ երկու շաբաթ, որից հետո միայն կարող էր կրկին դուրս գալ հասարակության մեջ: Այդ ժամանակահատվածը համարվում էր մաքրման ժամանակահատված: «Ծնարանի» պատերը հարդարում էին Թաուարեթ եւ Բես աստվածությունների պատկերներով, որոնք նույնպես համարվում էին պտղաբերության հովանավորներ:



Նկ. 5. Հեքեթ – ծննդաբերության եւ պտղաբերության աստվածուհի (գորտի տեսքով)



Նկ. 6. Հաթհոր – երկնքի, պտղաբերության, սիրո, մայրության, երաժշտության, պարի, հաճույքների աստվածուհի

Հագարամյակներ առաջ, ինչպես այսօր, հակաբեղմնավորման տարբեր մեթոդներ եւս կային: Պապիրուսներում հանդիպում են հղիությունն ընդհատելու տարբեր միջոցներ: Օրինակ՝ այրում էին ցորենը, դրանով ծխեցնում կանանց արտաքին սեռական օրգանները, որից հետո բուսական յուղի, նեխուրի եւ քաղցր գարեջրի հավասար քանակությամբ թուրմ էին պատրաստում, որը կինը 4 օր առավոտյան խմում էր: Համարվում էր, որ նեխուրագիների մաեւ մաղադանոսի մեծ չափաբաժինը հանգեցնում է հղիության ընդհատման: Մաղադանոսից ստացված թուրմով թրջոց էին դնում փորին, այն տաքացնում էր եւ ընդհատում հղիությունը:

Նույն նպատակին էին ծառայում մաեւ ակացիայի խեժից պատրաստված բամբակե գնդիկները (տամպոնները): Ակացիայի ծառն ունի սպերմատոգոլիդները ոչնչացնող հատկություն: Եգիպտացիները ակացիայի խեժին խառ-



Նկ. 7. Բեա – Մայրերի, երեխաների եւ ծննդաբերության պաշտպան աստվածություն

նում էին թքված կաթ, մեղր, մի պտղունց կառուստիկ սողա ու ստացված զանգվածով բամբակե գնդիկներ պատրաստում:

Բամբակե գնդիկները պատրաստում էին նաեւ կենդանու կղկղանքից՝ այն խառնելով մեղրի հետ:

Մ.թ.ա. 2-րդ հազարամյակում բամբակե գնդիկները պատրաստվում էին վուշից, որը պատում էին վերը նշված, ինչպես նաեւ մեզից ու խուրմայից պատրաստված քսուքով:

Երեխայի ծնվելուց անմիջապես հետո անում էին տալիս, քանի որ առանց անվան նա որպես անհատ գոյություն ունենալ չէր կարող: Անունը նաեւ պաշտպանում էր երեխային չար ուժերից:

Չար ուժերից պաշտպանելու համար օգտագործվում էին նաեւ տարբեր քալիսմաններ, արձանիկներ, հմայիլներ: Դրանք պաշտպանում էին լույս աշխարհ գալու եւ հետագա



Նկ. 8. Թառարեք – պտղաբերության եւ ծննդաբերության աստվածուհի



Նկ. 9. Ծննդաբերերող կին՝ ծնկած երկու աղյուսի վրա

վտանգներից: Այդ թալիսմանները, արձանիկները, պահպանակները հաճախ կրում էին Բես, Թառարեք եւ Հաթիոր աստվածությունների պատկերները (նկ. 7, 8, 6):

Երեխան դեռ մոր արգանդում համարվում էր ապրող էակ եւ արդեն պաշտպանության կարիք ուներ:

Դժվարին պահերին, ինչպես օրինակ, ծննդաբերության ժամանակ, հատուկ թալիսմանները կրում էին որպես զարդ: Պաշտպանական դեր էին կատարում նաեւ հմայական խոսքերը, որ չար ոգիները գիշերը նորածնին չգողանային:

Հին Եգիպտոսում մեծ էր երեխաների մահացության թիվը: Գիտնականները՝ ելնելով գերեզմանների ուսումնասիրություններից, նշում են, որ երեխաների 20%-ը մահանում էր դեռ չծնված, 20%-ը՝ մեկ տարվա ընթացքում, իսկ 30%-ն ապրում էր ամենաշատը մինչեւ 5 տարի: Կահիրեի օրացույցում երեխա ունենալու համար նշված էին ավելի շատ անհաջող



Նկ. 10. Իսիս աստվածուհին
Յորուսին կերակրելիս

օրեր, քան հաջող: Այստեղ, բացի բախտավոր եւ անհաջող օրերից, հաճախ նշվում էր նաեւ երեխայի ծնվելու օրվա առավել հարմար պահը:

Էբերսի բժշկական պապիրուսում (մ.թ.ա. ≈1550թ.) նշվում է, որ եթե ծնվելու ժամանակ երեխան ճշում է «նյա», ուրեմն առողջ բալիկ է, կապրի, իսկ եթե ասում է «մերի», ցավոք, չի ապրի:

19-րդ դինաստիայի գրագիր Անին գրում է, որ երեխաները պետք է վերադարձնեն իրենց պարտքը մայրերին: «Վճարեք ձեր մայրերին իրենց խնամքի համար: Տվեք նրանց այնքան հաց, ինչքան կարիք ունեն, խնամեք այնպես, ինչպես ձեզ են խնամել, քանի որ դուք ծանր բեռ էիք, երբ նրանք ձեզ կրում էին իրենց մեջ: Եվ երբ վերջապես ծնվել եք, նրանք տարել են ձեզ իրենց ուսերին եւ 3 տարի կերակրել ու լվացել են ձեզ»:

ՄԻԾՊԵՏԱԿԱՆ՝ ԴԻՎԱՆԱԳԻՏԱԿԱՆ ԱՄՈՒՍՆՈՒԹՅՈՒՆՆԵՐ



Նկ. 11. Ամենհոթեփ 3-րդը եւ Թիա թագուհին
(Գիլուկիեփա)

Հայտնի է, որ Եգիպտոսում եւ, ընդհանրապես բոլոր հին ու նոր հասարակություններում, միջպետական ամուսնությունները եղել են արտաքին քաղաքականության շատ կնճռոտ հարցերի կարգավորման միջոց: Այդօրինակ բազմաթիվ վկայություններ կան Ամարնայի (Ախենաթեն փարավոնի կողմից կառուցված մայրաքաղաքը) նամակներում, որոնք համարվում են դիվանագիտական նամակագրության առաջին ցանկերը պատմության մեջ: 1887 թվականին գյուղացիների կողմից Ամարնայի ավերակներում գտնված այդ «նամակներն» իրենցից ներկայացնում են կավե սալիկներ՝ հիմնականում գրված աքքադերեն (սեպագիր), որը ժամանակի միջազգային լեզուն էր համարվում:

Կավե սալիկ-նամակները վերաբերում են Նոր թագավորության 18-րդ դինաստիայի ժամանակաշրջանին (մ.թ.ա. ≈1550-1295): Ամարնայի մոտավորապես երեք հարյուր հիսունից ավելի նամակները ոչ միայն անգնահատելի աղբյուր են տվյալ ժամանակաշրջանի պատմության ու ժամանակագրության առումով, այլև հանդիսանում են ամուսնությունների միջոցով հին Եգիպտոսի եւ Առաջավոր Ասիայի միջպետական հարաբերությունների կարգավորման մասին մանրամասն տեղեկություններ պարունակող միակ «փաստաթուղթը»:

Եգիպտոսում միջպետական ամուսնությունները կնքվել են հատկապես 18-րդ դինաստիայի ժամանակաշրջանում: Եգիպտոսն օտար տերությունների հետ նախաձեռնում ու բանակցություններ էր վարում, որպեսզի արքայադուստրեր ուղարկվեին Եգիպտոս փարավոնների հետ ամուսնանալու նպատակով: Փարավոնները սովորաբար խնդրանքով դիմում էին այն տերության թագավորին, որի դստերը ցանկանում էին կնության առնել: Նամակները պատկերացում են տալիս նաեւ միջպետական ամուսնությունների հետ կապված խնդիրների լուծման, հսկայական չափերի հասնող թանկարժեք նվերների փոխանակման, թագավորների ապրումների ու համապատասխան ռազմավարության մասին, նույնիսկ պահպանվել է մի արքայադստեր խոսքն ամուսնությունից առաջ: Օրինակ՝ Թուփնոս 4-րդը (մ.թ.ա. ≈1401-1391), հայտնի է, որ ամուսնացել է Միտանիի թագավոր Արտատամայի դստեր հետ: Այս փաստն արձանագրված է նրա թոռան՝ Թուշրաթայի Ախենաթենին ուղղված նամակում:

Միաժամանակ, օտար աղբյուրները վկայում են, որ եգիպտական փարավոններն իրենց դուստրերին կնության չեն տվել այլ պետությունների թագավորներին նախ եւ առաջ այն պատճառով, որ դա կնշանակեր փարավոնական տիտղոս տալ այդ թագավորներին, որն անընդունելի էր Եգիպտոսի համար: Կարող էին հասարակ կանանց ուղարկել այնտեղ, հավանաբար, ներկայացնելով, որպես փարավոնական ընտանիքի անդամ:

18-րդ դիմաստիայի դիվանագիտական ամուսնություններ կնքող փարավոնը ամենահայտնին Ամենհոթեփի 3-րդն է, որի մասին մանրամասն վկայություններ կան Ամարնայի մամակներում: Միտանիի թագավոր Շուբարնա 2-ից խնդրում է նրա դստեր՝ Գիլուիեփայի ձեռքը:

Նամակներում հստակ արձանագրված է, որ Գիլուիեփայի Եգիպտոս ժամանելուց քսան տարի անց, Ամենհոթեփը 3-րդը մտադրվում է կնության առնել Միտանիի եւս մեկ արքայադստեր: Ամենհոթեփի 3-րդը հարսնացուի հետեւից Միտանի է ուղարկում իր դեսպանին՝ Մանեին, խնդրելու Գիլուիեփայի եղբոր՝ Միտանիի թագավոր Թուշրաթայի աղջկա՝ Թադուիեփայի ձեռքը: Պաշտոնապես նրա ձեռքը խնդրելուց եւ համաձայնություն ստանալուց հետո Թադուիեփան արդեն համարվում էր Ամենհոթեփի 3-ի կինը՝ չնայած նրանք երբեւէ դեռ չէին հանդիպել: Հայտնի չէ, թե Մանեն քանի անգամ է ճանապարհվում Միտանի՝ բանակցելու Թուշրաթայի հետ եւ ինչքան ժամանակ է մնում այնտեղ, բայց ի վերջո, երբ Թուշրաթան ստանում է խոստացված բոլոր նվերները, հասնում է այն պահը, երբ Մանեն ուղեւորվում է Թուշրաթայի պալատ՝ Եգիպտոս բերելու արքայադստերը, նրան ուղեկցող 300 անձանց (270 տղամարդ ու 30 կին) եւ, իհարկե, մեծ քանակությամբ հարսանեկան նվերներն ու օժիտը, որոնց ցուցակները նույնպես պահպանվել են Ամարնայի մամակներում: Դրանք ներառում են բրոնզե, արծաթե, ոսկե ամենատարբեր իրեր, ալաբաստրից ու ոսկուց պատրաստված անուշահոտ յուղերի սրվակներ ու սափորիկներ, արծաթե սանրեր եւ այլն, եւ այլն: Վերոհիշյալի ոչ լրիվ թվարկումը կարելի է համարել արքայադստեր օժիտի լոկ նախաբանը, որի մեջ մտնում էին անձնական իրեր, ամանեղեն, անհամար զարդեր, հագուստ, հայելիներ եւ այլն: Թուշրաթայի միակ ցանկությունն ուղարկածի դիմաց մեծ քանակությամբ չմշակված ոսկին էր: Բնականաբար, փարավոնը նաեւ մեծ նվերներ էր ուղարկել, որոնք, Թուշրաթայի խոսքերով, «այնքան շատ էին, որ ծածկում էին գետինն ու հասնում մինչեւ երկինք»: Ամենհոթեփի 3-րդն ուղարկել էր նաեւ մի նամակ, որում ասվում էր, որ իր ուղարկածը չնչին բան է եւ դեռ կտասնապատկի այն, երբ Թուշրաթան ուղարկի իր դստերը



Նկ. 12. Թիա թագուհին

Եզիպտոս: Տասն անգամ ավելին այնքանից, որը Թուշրաթայի համար արդեն համարվում էր «չափից ավելի»:

Ի պատասխան՝ Թուշրաթան նույնպես ուղարկում է նվերներ՝ նախատեսված հատուկ Ամենհոթեփի համար: Ցուցակի առաջին տեղում չորս ձիերն էին՝ կցված ոսկեզօծ կառքին: Հավանաբար ձիերը երկու թագավորների կողմից էլ բարձր էին գնահատվում: Թուշրաթան ուղարկել է նաև ձիերի հետ կապված պարագաներ, շքեղ զենքեր՝ մի քանիսը երկաթից (որը շատ հազվադեպ էր այդ ժամանակի համար), այլ ծիսական առարկաներ՝ բոլորը ոսկուց, երբեմն նաև՝ արծաթից:

Ամենհոթեփ 3-րդին (Նկ. 13) հաջորդող Ախենաթենը (Ամենհոթեփ 4-րդը), ցանկանալով կնության առնել Բաբելոնի թագավորի դստերը, ուղարկում է նրան նվերների մի հսկայական ցուցակ: Խոսքն ապշեցուցիչ հարստության մասին է: Միայն ոսկե առարկաները կշռում էին 1, 200 մինա (ֆունտ), որն այսօր տասնհինգ միլիոն դոլարից ավելի գումար է կազմում: Այն ոչ թե 1, 200 ֆունտ կշռող ձուլակտոր էր, այլ դրանից պատրաստված հարյուրավոր առարկաներ՝ ոսկյա զարդեր, շքեղ գավաթներ, տարաներ, արկղեր, դամակներ, ինչպես նաև խոշոր ոսկեզօծ առարկաներ՝ չորս կառք, երկու մահճակալ, վեց գահ, երեք արոռ եւ անգամ մեկ նավ, պատրաստված մայրու փայտից եւ ոսկեպատ, ինչպես նաև վեց փոքր նավ: Շարունակվում էին տարբեր տեսակի նվերների տեղավորիտունը Եզիպտոսից Բաբելոն: Տարբեր տեսակի անոթներ, արծաթյա եւ բրոնզե իրեր, այդ թվում՝ 170 հայելի, 73 ածելի, 92 շերեփ, տարբեր փղոսկրե առարկաներ եւ այլն: Ընդհանուր առմամբ՝ Ախենաթենը Բաբելոն է ուղարկել 3, 300 առարկա:

Ախենաթենն, ի տարբերություն իր հոր, հայտնի էր իր ժլատությամբ: Կարելի ենթադրել, թե այդ դեպքում ինչ քանակությամբ նվերներ է ուղարկել Ամենհոթեփ 3-րդը:

Դիվանագիտական ամուսնություններ կնքվել են նաև 19-րդ դիաստիայի օրոք: Պահպանված մի արձանագրությունից հայտնի է, որ Ռամզես 2-րդը խեթերի հետ բարեկամություն



Նկ. 13. Ամենհոթեփ III

ավելի ամրապնդելու համար իր կառավարման երեսուներեքերորդ եւ քառասունչորսերորդ տարիներում ամուսնացել է խեթական երկու արքայադուստրերի հետ:

Ըստ Ամարնայի նամակների՝ այրիացած Անխեսենամունը (նկ. 22)՝ վախենալով քրմերի ընդդիմությունից ու գեներալ Հորեմհեփի ազդեցությունից, գրում է Խեթերի Շուփիլուվիումաշ թագավորին՝ առաջարկելով ուղարկել իր տղաներից մեկին՝ որպես իր ամուսին եւ Եգիպտոսի թագավոր: Բայց, ըստ տեղեկությունների, Չանանգաշ անունով արքայազնը հավանաբար գեներալ Հորեմհեփի հրամանով Եգիպտոսի


սահմանին սպանվում է: Սա 18-րդ դինաստիայի դիվանագիտական ամուսնությունների վերջին փորձն է, որը, սակայն, հաջողությամբ չի պսակվել Եգիպտոսի ներսում տեղի ունեցող հակամարտությունների պատճառով:

Դրանից հետո Անխեսենամունին ստիպում են ամուսնանալ Այի (1327-1323) հետ, որն իշխել է ընդամենը մի քանի տարի եւ, որոշ գիտնականների կարծիքով, Նեֆերտիտիի հայրն է:

19-րդ դինաստիայի ամենահայտնի փարավոնը՝ Ռամզես 2-րդը, նույնպես ամուսնացել է օտարերկրյա արքայադուստրերի հետ: Վաթսունն անց տարիքում նա կնության է առնում խեթական քագավոր Հաթուշիլիշի աղջկան, իսկ մի քանի տարի անց, կնքվում է ամուսնություն վերջինիս մյուս աղջկա հետ: Վերոհիշյալների մասին հավաստի տեղեկություններ կան եւ՝ եգիպտական, եւ՝ սեպագիր աղբյուրներում: Իր երկարամյա կյանքի ընթացքում Ռամզես 2-րդը կնության է առնում Բաբելոնի ու Հյուսիսային Սիրիայի երկու արքայադուստրերի:

Ամարնայի նամակներից պարզորոշ երեւում է, որ օտարերկրյա արքայադուստրերը երբեք առաջին տիկնոջ դերում չեն հայտնվել, միշտ եղել են երկրորդական դերում: Բացառություն են կազմում միայն Միտանիի մի քանի արքայադուստրերը:

Մյուս կողմից կարծիք կա նաեւ, որ դիվանագիտական ամուսնությունների արդյունքում ծնված երեխաներն ավելի հաճախ էին գահը ժառանգում, քան մյուս երեխաները: Այս ձեռով գահը ժառանգած փարավոնները շարունակում էին դիվանագիտական հարաբերություններ պահպանել այն պետությունների հետ, որոնք համարվում էին իրենց մոր հայրենիքը, մանավանդ, որ կարող էին խոսել երկու լեզվով՝ եւ՛ մոր, եւ՛ հոր:



Նկ. 14. Թուշրաթա
թագավորի նամակը՝ Ամենհոթեփ
3-րդին (Ամարնա)

ԱՐՅՈՒՆԱԿԱՅԱԿԱՆ ԱՄՈՒՍՆՈՒԹՅՈՒՆՆԵՐ ԵՎ ՀԱՅՏՆԻ ՓԱՐԱՎՈՆՆԵՐ

Հին Եգիպտոսում արյունակցական ամուսնություններն օրենքով չէին դատապարտվում, ընդհակառակը՝ դրանք շատ ընդունված էին հատկապես փարավոնական ընտանիքներում: Ամուսնանում էին հիմնականում քույրերի հետ, երբեմն նաեւ՝ դուստրերի:

Արյունակցական ամուսնություններն իրենց դրսևորումներն են գտել դեռեւս հին եգիպտական կրոնում. մեծ թվով աստվածներ միաժամանակ եւ՝ քույր ու եղբայր են, եւ՝ ամուսիններ (օրինակ՝ Օսիրիսն ու Իսիսը, Սեթն ու Նեֆթիսը եւ այլն):

Ըստ որոշ գիտնականների՝ փարավոններն ամուսնանում էին իրենց քույրերի կամ դուստրերի հետ՝ փարավոնական արյունն անաղարտ պահելու, ինչպես նաեւ իշխանությունն ընտանեկան նեղ շրջանակներում պահպանելու նպատակով (մի գուցե նաեւ այն նկատառումից ելնելով, որ ժառանգականությունը փոխանցվում էր մայրական գծով, ինչպես պնդում է Գ. Ռոբինսը): Արյունակցական, մասնավորապես քույր ու եղբոր միջեւ կնքվող ամուսնությունները լայն տարածում են ստանում հատկապես Պտղոմեանների ժամանակ:

Հասարակ ընտանիքներում հարազատների միջեւ ամուսնությունը խիստ հազվադեպ էր: Բայց կան բավականին վկայություններ խորթ քույր ու եղբոր միջեւ կայացած ամուսնությունների մասին:

Ախենաթեն (Ամենհոթեփ IV մ.թ.ա. ≈ 1352-1336)

Թագադրվել է որպես Նեֆերխեփերուրա Ուաներա (Neferkheperura Waenra)



Նկ. 15. Ախենաթենը սֆինքսի տեսքով

Ամենհոթեփ 4-րդը Նոր թագավորության 18-րդ դինաստիայի տասներորդ փարավոնն էր՝ Ամենհոթեփ 3-րդ փարավոնի եւ Թիա թագուհու որդին, որի գահակալական անունը Նեֆերխեփերուրա էր (թարգմանաբար նշանակում է Ռա աստծո փոխակերպումը կատարյալ է)։ Նրա անունը պատմության մեջ մտել է նախ եւ առաջ որպես հին եգիպտական բազմաստվածությունը հերքող ու միաստվածությունը դավանող փարավոն, որի համար հաճախ նրան հերետիկոս են անվանել։ Հորից հետո գահը ժառանգելու առաջին տարում նա կառուցեց հսկայական տաճար Կարնակում, որը նվիրված էր ոչ թե Ամունին, այլ Աթենին՝ արեւի սկավառակին՝ հիմնելով նոր դարաշրջանի՝ միաստվածության սկիզբը։ Այսպիսով, նա համարվում է առաջինը մարդկության պատմության մեջ, որ առաջ է քաշել միաստվածության գաղափարը։

Ամենհոթեփ 4-րդը Ամունի պաշտամունքի փոխարեն առաջ քաշելով Աթենի՝ որպես գլխավոր եւ միակ աստծո գաղափարը, իր կառավարման հիմնքերով տարում Ամենհոթեփ (Ամունը գոհ է) անունը փոխարինեց Ախենաթեն (Աթենի

կենդանի կերպար) անունով: Հարկ է նշել անչափ ուշագրավ մի փաստ՝ 19-րդ դարի վերջին հայտնի եգիպտագետ Ֆ. Պետրին իր աշխատություններից մեկում նշում է, որ Ախենաթենի մայրը, որը Միտաննիի (ԱՐՄԵՆԻԱ) արքայադուստր էր, բերել է Աթենի ուսմունքը եւ սովորեցրել իր որդուն՝ Ամենհոթեփ 4-րդին: Պետրին հենց այդպես էլ նշում է «Mitanni (Armenia)»:



Նկ. 16. Ախենաթենը, Նեֆերտիտին եւ նրանց երեխաները

Տաճարներում եւ դամբարաններում հաճախ կարելի է տեսնել արքայական ընտանիքի անդամներին (Ախենաթենն ու Նեֆերտիտին իրենց երեխաների հետ)՝ պատկերված Աթեն աստծուն երկրպագելիս եւ զոհ մատուցելիս, որտեղ Աթենը ներկայանում է որպես ձեռքերը ճառագայթաձեւ մեկնած արեգակի սկավառակ, որոնք ավարտվում են Ուաս կոչվող արքայական գավազանի կամ Անխի (կյանք) նշաններով՝ համապատասխանաբար խորհրդանշելով իշխանությունն ու կյանքը:

Քրմերի ընդդիմությունն Աթենի գերիշխանությանը ստիպեց Ախենաթենին իր թագավորության վեցերորդ տարում միջին Եգիպտոսում հիմնել նոր մայրաքաղաք՝ Ախեթաթեն (Աթենի հորիզոն) անունով, որն այսօր հայտնի է որպես Էլ-Ամար-նա: Քաղաքի անունը հայտնի է քաղաքի սահմանաբաժան քարերից: Ախենաթենը նոր հիմնված մայրաքաղաքում ապրում էր իր կնոջ՝ Նեֆերտիտիի եւ վեց դուստրերի հետ (համարվում է, որ նրա միակ որդու՝ Թութանխամունի մայրը ոչ առաջնային կանանցից մեկն էր՝ Կիա անունով): Հայտնի է, որ Ախենաթենն ավելի ուշ կնության է առել նաեւ իր ավագ դստերը՝ Մերիթաթենին (նկ. 17):

Մերժելով եգիպտական պանթեոնի բոլոր աստվածներին ու աստվածուհիներին՝ իր գահակալության իններորդ տարում հրամայում է փակել նրանց նվիրված բոլոր տաճարները, եւ վերացնել Ամունի անունն ու պատկերները:

Նա նոր քրմեր ու պաշտոնյաներ է նշանակում, ստեղծում է նոր կառավարություն, որը ենթակա էր միմիայն իր անձին: Հին եգիպտացիների համար կրոնական այսպիսի հալածանքներն անընդունելի էին. նրանք պատրաստ չէին միաստվածություն դավանելու: Նրանց համար ավելի հեշտ էր պանթեոնում նոր աստվածություններ ավելացնել:

Նրա որդի Թութանխաթենը (մ.թ.ա. ≈ 1336-1327) գահ բարձրանալով՝ մայրաքաղաքը տեղափոխեց Մեմֆիս եւ իր անունը դարձրեց Թութանխամուն, այսինքն՝ վերջ դրվեց Աթենի միանձնյա տիրապետությանը: Ախենաթենը չի ունեցել մեծ թվով գաղափարակիցներ՝ հետեւորդներ ու աշակերտներ, որոնք շարունակեին իր գործը, քանի որ այն կարծիքին էր, որ միայն ինքն է լավ ճանաչում Աթեն աստծուն եւ կենտրոնացել էր միայն իր անձի վրա:

Ախենաթենը, ճիշտ է, ավելի հայտնի է որպես կրոնական հեղաշրջում կատարած փարավոն, բայց նրա օրոք բարձր մակարդակի են հասնում նաեւ դիվանագիտական հարաբերությունները, որոնց մասին վկայում են նրա հիմնած քաղաքի տարածքից 19-րդ դարում գտնված դիվանագիտական նամակները:



Նկ. 17. Մերիթաթեն

Էլ-Ամարնայի արեւելքում Ախենաթենը սկսել է իր համար կառուցել դամբարան, որն ավարտին չի հասցրել, եւ այսօր հայտնի չէ, թե որտեղ են Ախենաթենի եւ նրա հարազատների մարմինները: Ենթադրվում է, որ նա թաղվել է Ամարնայում, բայց Թութանխամունի ժամանակ քրմերը մարմինը տեղափոխել են Թեբե:




Նկ. 18. Ախենաթենի երկու դուստրերը



Նկ. 19. Ախեմաթենի կամ Նեֆերտիտի գլխաքանդակ

Թութանխամուն (Թութանխաթեն) մ.թ.ա. ≈ 1336-1327

Թագադրվել է որպես Նեխեփերուրա (Nebkheperura)



Նկ. 20. Թութանխամուն



Նկ. 21. Թութանխամունի գահը

Չնայած տասնութերորդ դինաստիայի տասնմեկերորդ փարավոն Թութանխամունի շքեղ դամբարանին՝ նա չարունակում է մնալ շատ հանելուկային կերպար: Դատելով նրա մումիայից՝ նա մահացել է պատանի հասակում՝ մոտավորապես 17-19 տարեկանում, եւ կառավարել է ընդամենը 8-9 տարի:



Նկ. 22. Անխեսենփաաթեն (Անխեսենփաամուն)

Հավանաբար ծնվել է Ախեսթաթեն (էլ-Ամարնա) քաղաքում։ Նրա մայրը համարվում է Ախեննաթենի ոչ առաջնային կանանցից մեկը՝ Կիան։ Նեֆերտիտին եւ Ախեննաթենը համատեղ ունեցել են միայն վեց դուստր։ Գահ բարձրանալով՝ նա արքայական նստավայրը տեղափոխում է Սենֆիս եւ նորից բազմաստվածություն է հաստատում։ Իր Թուփանխաթեն անունը (Աթենի կենդանի պատկեր) դարձնում է Թուփանխամուն (Ամունի կենդանի պատկեր)։

Նրա դամբարանում գտնված ոսկե գահի վրա փորագրված տեքստը ցույց է տալիս, որ Թուրանիսամունի կինը Ախենասենի եւ Նեֆերտիտիի դուստր Անխեսենփաաթենն է, այսինքն՝ իր քույրը (գահի վրա, արձանագրության մեջ նրանց անուններն արդեն փոխված են՝ Թուրանիսամուն եւ Անխեսենփաաթուն): Անխեսենփաաթենը Ախենասենի եւ Նեֆերտիտիի երրորդ դուստրն է, որը ծնվել է հոր թագավորության ութերորդ տարում: Ասվածից կարելի է ենթադրել, որ նա չէր կարող լինել ավելի քան տաս տարեկան: Ինչպես հայտնի է, Թուրանիսամունն էլ դեռ երեխա էր, հետեւաբար կար մեկը, ով օգնում էր «երեխաներին» երկիրը կառավարելու գործերում: Այդ մարդը, հավանաբար, Այ անունով մեկն էր, ով Թուրանիսամունի մահից հետո ամուսնանում է Անխեսենփաաթունի հետ:

Սինչեւ Հովարդ Քարթերի կողմից (1874-1939) Թուրանիսամունի դամբարանի հայտնագործումը, վերջինիս մասին շատ քիչ բան էր հայտնի, սակայն դրանից հետո նա դարձավ հին Եգիպտոսի ամենահայտնի փարավոնը:

Անգլիացի հնագետ եւ եգիպտագետ Հովարդ Քարթերը գրում է, որ նպատակն էր Եգիպտոսում գտնել որեւէ արժեքավոր բան, բայց չէր սպասում, որ նման բան կգտնի: 1922 թվականի նոյեմբերի 26-ին Քարթերը եւ պեղումների հովանավոր Ջորջ Հերբերտը՝ կոմս Քարնարվոն 5-րդը, կանգնած էին Թագավորների հովտի դամբարաններից մեկի ոչնչով աչքի չընկնող դռան առջեւ: Քարթերը ձախ կողմից գզուշորեն բացում է կնքված դուռը եւ լամպի լույսի տակ փորձում է ինչ-որ բան տեսնել: Երբ աչքերը սովորում են մթությանը, նա ապշում է եւ մի որոշ ժամանակ չի կարողանում խոսել: Քարնարվոնի այն հարցին, թե արդյո՞ք ինչ-որ բան տեսնում է, նա պատասխանում է. «Հրաշալի բաներ...»:

Չնայած մասամբ կողոպտված լինելուն, թաղման պարագաները, այդ թվում՝ ներքին դագաղներն ու սարկոֆագը, գտնվել են գերազանց վիճակում: Այն համարվում է ամենալավ պահպանված փարավոնական դամբարանը, որը Արքաների հովտի մյուս դամբարաններից տարբերվում է նաեւ իր ճարտարապետությամբ՝ բաղկացած լինելով ոչ թե 18-20-րդ

դիմաստիաներին բնորոշ երկար միջանցքից, այլ՝ չորս շատ փոքր սենյակներից: Դամբարանում գտնվել են մեծ քանակությամբ զանձներ՝ թաղման պարագաներ, պահապան արձաններ, կահույք, զենքեր, երաժշտական նվագարաններ, Թուրանխամունի հետմահու ոսկե դիմակը, աճյունատուփ, Թուրանխամունին պատկերող արձանիկներ, գահեր, սանդալներ, մահճակալներ, աթոռներ եւ շատ այլ թանկարժեք իրեր: Դիմակն, անկասկած, ամենահայտնի դարձած իրն է, որ գտնվել է դամբարանում: Այն դրված է Թուրանխամունի երրորդ՝ ամենաներքին դագաղում՝ մոմիայի գլխի վրա: Դիմակն ունի մոտավորապես 54 սմ բարձրություն եւ կշռում է ավելի քան 10 կգ, պատրաստված է ոսկու երկու շերտից՝ ներգարդված գունավոր ապակիներով ու կիսաթանկարժեք քարերով: Դիմակի վրա Թուրանխամունը պատկերված է Օսիրիսի տեսքով: Նա Նեմես կոչվող գլխի փաթաթանով է, որը հետեւից ոլորակապով իջնում է մեջքի վրա՝ ներդրված անթափանց կապույտ ապակիով (լաջվարդի նմանակում): Դիմակի ճակատամասում նստած են Վերին ու Ներքին Եգիպտոսները խորհրդանշող անգղն (Նեխբեթ) ու կորբան (Ուաջեթ): Բացի փարավոնական իշխանության, աստվածային ուժի խորհրդանիշ լինելուց, կոչված էր փարավոնի թշնամիների վրա կրակ թթել՝ պաշտպանելու նպատակով: Անգղն ու կորբան պատրաստված են ոսկուց՝ ներդրված կապույտ հախճապակով, ապակով, սերդուիկով ու լաջվարդով: Կորբայի աչքերը լեռնային ապակուց են (անգղի աչքերը բացակայում են): Փարավոնի աչքերը լեռնային ապակուց ու վանակատից են: Ինչպես դագաղների վրա, դիմակի վրա էլ աչքերը եզրագծված են հին Եգիպտոսում աչքի համար կիրառվող երկու ամենահիմնական ներկանյութերից մեկի՝ գալենայի (պատրաստվել է կապարի հանքաքարի հիման վրա) փոխարինող լաջվարդով: Աստվածներին բնորոշ մորուքը նույնպես ոսկուց է, որն ամրացված է կզակին: Դիմակի հետեւի մասում փորագրված են մի քանի հմայական տեքստեր՝ Մեռյալների գրքից:

Հատկապես ուշագրավ է մոտավորապես 2 մ բարձրություն ունեցող ոսկեգոծ աճյունատուփը, որի մեջ պահվել են երիտասարդ փարավոնի զմռսված ներքին օրգանները: Աճյուն-

նատուփի չորս կողմից, ձեռքերը աջ ու ձախ պարզած, չորս պահապան աստվածուհիների՝ Իսիսի, Նեֆթիսի, Նայթի եւ Սելքիսի ոսկեջրված փայտե արձանիկներն են: Անյունատուփի խոռոչներում մարդակերպ կափարիչներով չորս սափորներ են, որոնք պատկերում են փարավոնին մեմֆս գլխանոցով, ճակատին՝ անգղն ու կորբան: Յուրաքանչյուր սափորի վրա փորագրված է այն աստվածության անունը, որի հետ նույնացվում էր փարավոնի տվյալ ներքին օրգանը. Իմսեթին կոչված էր պաշտպանելու լյարդը, Հափին՝ թոքը, Դուամութեֆը՝ ստամոքսը, իսկ Քեբեսենոեֆը՝ աղիքները, որպես Հորուսի չորս որդիներ:

Հին Եգիպտոսում, ինչպես եւ, ընդհանրապես, հին աշխարհում, աթոռը եղել է իշխանության, ուժի, ազդեցության, հեղինակության խորհրդանիշ եւ Քարթերի, Քարնարվոնի ու մյուսների համար զարմանալի չէր դամբարանում վեց աթոռի առկայությունը: Քարնարվոնի խոսքերով՝ կահույքի երբեւէ հայտնագործված ամենահիասքանչ մմուշներից մեկը Թութանխամունի դամբարանի այսպես կոչված Ոսկե գահին է, որը գտնվել է սեւ վուշի կտորի մեջ փաթաթված: Իրականում գահը փայտե բազկաթոռ է՝ ներգարդված ոսկու ու արծաթի շերտերով, ինչպես մաւս դամբարանում գտնված իրերին բնորոշ գունավոր ապակիներով, հախճապակիով ու կիսաթանկարժեք քարերով: Բազկաթոռի աչքի ընկնող հատվածը քիկնակն է, ուր պատկերված է երիտասարդ թագուհին՝ Անխեսենփաաթենը, արեգակի սկավառակի՝ Աթենի ճառագայթների ներքո ամուսնու մարմինն անուշահոտությամբ օծելիս: Գահի ոտքերը կենդանակերպ են, դիմացից՝ երկու ոտքերի վերին մասում, ամրացված է առյուծի երկու գլուխ:

Գահի երկու կողմից պատկերված են թեւավոր կորբաներ, որոնք կրում են Վերին եւ Ներքին Եգիպտոսների թագերը (Նկ. 21): Մեծ է Թութանխամունի դամբարանից գտնված գանձերի թիվը, որոնք հնարավորություն են տալիս լավ պատկերացում կազմել Հին Եգիպտոսի եւ հատկապես Նոր թագավորության ժամանակաշրջանի կյանքի տարբեր բնագավառների մասին:

Թութանխամունի մահվան պատճառների մասին կան ամենատարբեր կարծիքներ: Վերջին վարկածներից են մալարիան ու ոտքի՝ ծնկից վերել, կոտրվածքը, որի թարախակալումը կարող էր խորացնել հիվանդությունն ու մահվան պատճառ դառնալ:



Նկ. 23. Հիվանդ Թութանխամունը հենակով: Անխեսեսնփաաթենը Մանդրագորի (մարդախոտ) բույսով փորձում է ուժ տալ ամուսնուն:

Ամենավերջին վարկածներից է այն, որ Թութանխամունի ժառանգական հիվանդությունների պատճառ կարող էր դառնալ նրա ծնողների քույր-եղբայր լինելը:

Նրա մումիան պահվում է այնտեղ, որտեղից գտնվել է, այսինքն՝ Թագավորների հովտում՝ իր KV 62 դամբարանում:



Նկ. 24. Թութանխամունի գլուխը

Ռամզես 2-րդ մ.թ.ա. 1279-1213



Նկ. 25. Ռամզես 2-րդը երեխա ժամանակ:

19-րդ դիմաստիայի ամենահայտնի փարավոնը՝ Ռամզես 2-րդը, նույնպես զերծ չի մնացել արյունակցական ամուսնություններից: Նա ունեցել է մի քանի գլխավոր կին, որոնցից առնվազն չորսն իր դուստրերն են եղել, օր.՝ Մերիթամենը (նկ. 26):



Նկ. 26. Մերիթամեն

Ռամզես 2-րդի գլխավոր կանանցից ամենահայտնին Նեֆերթարին էր: Ռամզես 2-րդը հիմնում է նոր մայրաքաղաք՝ Փիլամենասե անվամբ (Քանթիր), որտեղ ժամանակին հայրը՝ Սեթի I-ը, դրյակ էր կառուցել, ու ընտանիքով հաստատվում է այնտեղ:

Նրա օրոք կառուցված ամենանշանավոր ճարտարապետական կոթողները Աբու Սիմբելի հայտնի ժայռավոր տաճարներն են, որոնցից փոքրը նվիրել է իր ամենասիրելի կնոջը՝ Նեֆերթարիին:

Ռամզես 2-րդի կառավարման ժամանակաշրջանում Եգիպտոսի գլխավոր հակառակորդը Խեթական պետությունն էր, առանցքային քաղաքը՝ Քադեշը, որի շուրջ ծավալվում էին հիմնական մարտական գործողությունները: Հայտնի ճակատամարտը տեղի է ունեցել մ.թ.ա. 1274 թվականին՝ Օրոնտես գետի ափին: Այն աշխարհում առաջին ճակատամարտն է, որը մանրամասնորեն նկարագրվել է: Անցել է երեք փուլով: Երկուստեք կորուստներից ու հաջողություններից հետո, մ.թ.ա. 1259 թվականին հաշտության պայմանագիր է կնքվում Խեթական պետության ու Եգիպտոսի միջև, որոնց պատճեններն արձանագրված են Կարնակի տաճարի վրա:



Նկ. 27. Աբու Սիմբել՝ փոքր տաճար

Ռամզեսի դամբարանը (KV 7) գտնվել է Արքաների հովտում, իսկ մարմինը՝ Դեյր էլ-Բահրիի մումիաների գաղտնարանում (բացվել է 1881 թվականին): Այստեղ գտնվել են շատ փարավոնների ու քրմերի՝ Ահմոս I, Ամենհոթեփ I, Թուփմոս I եւ II եւ մի շարք այլ մումիաներ, որոնք բերվել են Թագավորների հովտից: Կարծիք կա, որ նրանց այս գաղտնի դամբարան են տեղափոխել 21-րդ դինաստիայի քրմերը պղծումից ու կողոպուտից զերծ պահելու համար: Ռամզես 2-րդի ծաղկեպսակներով փաթաթված մումիան դրված է եղել մայրու փայտից պատրաստված դագաղի մեջ: Ռամզես 2-րդի մումիայի մազերը կարմիր են, որը, հավանաբար, զմռաման արդյունք է: Մումիայի ուսումնասիրությունը ցույց է տվել, որ Ռամզես 2-րդը ժամանակին հիվանդացել է ջրծաղիկով: Դատելով մումիայից՝ հասակը մոտավորապես 1,80 մ է: Զիթն ազնվականի է, հոնքերը դուրս ցցված են, քարթիչները՝ հաստ, ծնոտն՝ ամուր, իսկ ականջները՝ կլոր: Նրա մկանները տարիների ընթացքում քայքայվել են, մա տառապել է աթերոսկլերոզ հիվանդությամբ, մահացել է 90 տարին արդեն բոլորած: Ռամզես 2-րդի մումիան այսօր պահվում է Կահիրեի Եգիպտական թանգարանում:

Նկ. 28. Ռամզես 2-րդ




ԸՆՏԱՆԻՔԻ, ՊՏՂԱԲԵՐՈՒԹՅԱՆ ՈՒ
ԾՆԱԴԱԲԵՐՈՒԹՅԱՆ ՀԵՏ ԿՎԴԱՎԾ
ԱՍՏՎԱԾՆԵՐ ԵՎ ԱՍՏՎԱԾՈՒՅԻՆԵՐ



Նկ. 29. Օսիրիս (մեջտեղում), Իսիս (մրանից ձախ) և Դորուս (մրանից աջ)՝ աստվածային եռյակ եւ աստվածային ընտանիք

ԻՍԻՍ



Աստվածուհի, որն իր մեջ ներառում է մոր եւ կնոջ բոլոր առաքի-
նությունները: Նա միաժամանակ Օսիրիսի քույրն ու կինն էր եւ Հո-
րուսի մայրը: Իսիսի հիերոգլիֆային անունը նշանակում է գահ եւ
ինքն էլ պատկերվում է գլխին դրված գահով: Իսիսը համարվում էր
թագավորական իշխանության աստվածուհին ու փարավոնի մայր
պաշտպանը: Նոր թագավորությունից սկսած (մ.թ.ա. ≈ 1550-1069)
նրա դերն ընդլայնվում է որպես փարավոնի մայր: Հայտնի է, որ
փարավոններն իրենց մույնացնում էին աստվածների հետ: Հա-
ճախ Իսիսը պատկերված է փարավոնին կրծքով կերակրելիս: Այս
առումներով Իսիսը մույնացվում էր Հաթհոր աստվածուհու հետ
եւ հաճախ պատկերվում էր կովի գլխով կամ կովի պոզերի միջեւ
շրջափակված արեգակի սկավառակով:

ՀԱՅԹՅՈՐ




Հաթիորը հնագույն կարեւոր աստվածուհիներից է, որի անունը նշանակում է «Հորուսի տուն»: Նա բազմակողմանի աստվածուհի է, ընդունվում է որպես պտղաբերության, սիրո, երաժշտության, հաճույքների աստվածուհի: Հանդես է գալիս կնոջ մարմնով եւ արեգակի կովի պոզերով շրջափակված սկավառակով: Համարվում է արեւի Ռա աստծո դուստրը: Նա համարվում էր նաեւ քագավորների աստվածային մայրը եւ փարավոնների տիտղոսներից մեկը հենց այդպես էլ կոչվում էր՝ «Հաթիորի որդի»:

Հին եգիպտացիները հավատում էին, որ Հաթիորը այն ասվածուհիներից է, որոնք նախորոշում են նորածնի ճակատագիրը:

Հաթիորի պաշտամունքի կարեւոր կենտրոն էր Մեմփիսը, որտեղ նա պատկերված էր որպես «մուլաթզնու տիկին»: Դեռ Հին քագավորության ժամանակ նրա պաշտամունքի գլխավոր կենտրոնը Դենդարան էր, որտեղ պահպանվել է եռյակին՝ Հաթիորին, Հորուսին ու երաժշտության աստված Իհիին նվիրված հունահռոմեական շրջանում կառուցված տաճարը:


ԽՆՈՒՄ



Եգիպտոսի ամենահին աստվածներից մեկն է՝ մարդու մարմնով ու խոյի գլխով, կապվում է Նեղոսի ակունքների եւ նրա արգասաբերության հետ: Նա հիմնականում պատկերված է մարդկանց դուրգի անիվի վրա արարելիս:

Հաճախ ներկայացվում է գորտի գլխով մանկաբարձուհի Հեքեթ աստվածուհու ուղեկցությամբ, որը շունչ է փչում մարդկային մարմինների մեջ: Համարվում է, որ նա է արարել վաղընջական ձուն, որից աշխարհաստեղծման ժամանակ դուրս է եկել արեւը:

ՀԵՔԵԹ



Հղիության, ծննդաբերության, պտղաբերության աստվածուհի.
պատկերվում է գորտի տեսքով, համարվում է Խնում աստծո կողա-
կիցը: Նա էր շունչ փչում Խնումի կողմից ստեղծած էակների մեջ:


ԲԵՍ



Բեսի անունը հավանաբար «բեսա» բառից է, որը նշանակում է պաշտպանել: Բես աստվածությունը, որպես չար ուժերի դեմ մոգական պաշտպան, երկրպագում էին հին Եգիպտոսի բոլոր խավերը: Նա հովանավորում էր հատկապես երեխաներին ու հղի կանանց եւ հաճախ պատկերվում էր Թաութեթի կողքին:


Եգիպտացիները հավատում էին, որ Բեսը պաշտպանում է նաեւ օձերից: Այդ իսկ պատճառով նա հաճախ պատկերվում էր թունավոր օձեր բռնած կամ դրանց խփելիս: Իր այս դրսևորմամբ Բեսը նույնացվում կամ մարմնավորում էր վիշապ Ահային, որն իր մերկ ձեռքերով խեղդում էր օձերին:

ՄԻՆ




Պատկերներություն ու վերարտադրողականություն խորհրդանշող հնագույն աստվածներից մեկը: Նա պատկերվում է տղամարդու տեսքով՝ ամուր փաթաթված կտավե կտորով, որը նրան մումիայի տեսք է տալիս: Նա, խնում աստծո նման, նույնպես համարվել է աստվածների ու մարդկանց արարողը: Վերջինիս խորհրդանիշը համարվել է հազար բույսը, հավանաբար, տեսքի ու մեջը պարունակվող կաթնաման հեղուկի համար, որը նույնացվել է սերմնահյութի հետ:

ԲԱՍԹԵԹ



Պատկերվում է կատվի տեսքով կամ կատվի գլխով ու կնոջ մարմնով: Նրա պաշտամունքի կենտրոնը Բուբասթիս քաղաքն էր: Նա կապվում էր առյուծ-աստվածուհի Սեխմեթի հետ եւ նրա նման հաճախ պատկերվում էր էգ առյուծի տեսքով՝ պաշտպանելով փարավոններին ճակատամարտերում: Նա կապվում էր մաեւ Հաթհորի, Մուքի եւ Թեֆնուքի հետ եւ համարվում էր Աթում աստծո դուստրը: Համարվում էր հղիության եւ ծննդի հովանավոր: Հույները նրան նույնացնում են իրենց Արտեմիսի հետ:

ԱՆՍԻՆԵՆԵԹ



Ծննդաբերության աստվածուհի, որը յուրաքանչյուր երեխայի ծնվելու պահին՝ իր շնչով կենսական ուժ էր փչում երեխաների մարմնի մեջ: Նա համարվում է կքանստած ձեռով աղյուսների վրա ծննդաբերելու աստվածուհին:

ԹԱՂԱՐԵՐ



Թառաւրեքը հղիության եւ ծննդաբերության աստվածուհի է, սովորաբար պատկերվում է որպէս երկոտանի էգ գետաձի՝ կանացի կախված կրծքերով, կատվային վերջույթներով, հղի կնոջ որովայնով ու Նեղոսի կոկորդիլոսի մեջքով, ձեռքը դրված «sa» կոչվող հիերոգլիֆի վրա, որը խորհրդանշում է պաշտպանություն: Պաշտպանում է կանանց ծննդաբերության ժամանակ:

Գրականության ցանկ

1. Allam S. Women as owners of immovables, //Lesko B. S. (ed.), Women's earliest from ancient Egypt and Western Asia, Atlanta, Georgia: Scholars Press, 1989, pp. 123-135.
2. Breasted J. H. A History of Egypt, Hodder and Soughton Limited, London, 1905.
3. Brier B. Hobbs H. Daily life of the ancient Egyptians, Greenwood Publishing Group, 2008.
4. Carter H. Mace A. C. The Discovery of the Tomb of Tutankhamen, Dover Publications, 1977.
5. Cottrell L. Life under the Pharaohs, Pan Books, London, 1957.
6. Hart G. The Routledge Dictionary of Egyptian Gods and Goddesses, Routledge, 2005.
7. Janssen J. J. Pestman P. W. Burial and inheritance in the community of the necropolis workmen at Thebes, JESHO, 1968, No. 11, pp. 137-170.
8. Lichtheim M. Ancient Egyptian literature: a book of readings, University of California Press, 1976.
9. Manniche, L. An Ancient Egyptian Herbal, The American University in Cairo Press, 2006
10. Marriage and the Standing of Women, <http://www.touregypt.net/historicalessays/lifeinegypt8.htm>, 21.11.2014.
11. Meskell L. Private life in New Kingdom, Egypt, Princeton University Press, 2002.
12. Pestman P. W. Marriage and matrimonial property in ancient Egypt, Brill Publications, Leiden, 1961.
13. Podany A. H. Brotherhood of Kings, Oxford University Press, 2010.
14. Redford D. B. The Oxford Encyclopedia of ancient Egypt, Oxford University Press, 2001.
15. Reeves N. The Complete Tutankhamun, Thames and Hudson, London, 1990.
16. Reeves N. Wilkinson R. H. The Complete Valley of the Kings, Thames and Hudson, London, 1996.
17. Robins G. Women in ancient Egypt. British Museum Press, 1993.
18. Romer J. Ancient lives: The story of the pharaoh's tombmakers, Phoenix Press, 2003.
19. Schulman A. R. Diplomatic Marriage in the Egyptian New Kingdom, Journal of Near Eastern Studies 38(3): 177-193, 1979.
20. Seidel M. Schulz R. Egypt: Art & Architecture, Könemann, Germany, 2005.
21. Shaw I. Nicholson P. Dictionary of Ancient Egypt, The British Museum; 2002.
22. Simpson W. K. Polygamy in Egypt in the Middle Kingdom, JEA, 1974, vol. 60, pp. 100-105.
23. Slandering Tutankhamun? Al-Ahram Weekly, 2014, <http://weekly.ahram.org.eg/News/7610/47/Slandering-Tutankhamun-.aspx>, 27.11.2014.
24. Spiegelberg W. Papyrus Libbey. An Egyptian Marriage Contract, Publication of the Toledo Museum of Art, Toledo, 1907:
25. Tyldesley J. Daughters of Isis: women of ancient Egypt, Penguin Books, 1995.
26. Ward W. A. The Egyptian Economy and Non-royal Women: Their Status in Public Life, 2001, <http://www.stoa.org/diotima/essays/wardlect.shtml>, 08.09.2014.
27. Watterson B. Women in ancient Egypt, Stroud, Gloucestershire N. Y.: St. Martin's Press, 1991.
28. Watterson B., The Egyptians, Blackwell, Oxford, 1997.